

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

3. Aningaasaqarnermut tunngasut

Imm. 3.1 Sisimiuni Utoqqaat angerlarsimaffiannut Qupanummut immikkut aningaasaliissuteqarnissaa pillugu qinnuteqaat

Imm. 3.2 2021-mut ukiunullu 2022-mit 2024 tikillugu missiliuteqarfiusunut KB-mut ataatsimiititalianullu akissarsiat akuersissutigineqarneri

4. Suliassat naliginnaasut

Imm. 4.1 Nunaqarfinni aqutsisut aaqqissuussaaneri aammalu ilaasortat amerlassusii

6. Paasissutissiissutit

Imm. 6.1 Qeqqata Kommuniani Atugarissaarnermi Immikkoortortaqarfimmi kommunimi akigititassat 2021

Imm. 8.1 Tamalaat

Ataatsimiinneq videokonference atorlugu ingerlanneqassaaq aallartissalluni 21. december 2020 nal.
08.30

Peqataasut:

Atassut

Anna Karen Hoffmann
Emilie Olsen
Siverth K. Heilmann

Inuit Ataqtiguit

Axel Lund Olsen
Paulus Christensen

Partii Naleraq

Jens M. Lyberth

Siumut

Malik Berthelsen
Evelyn Frederiksen
Ruth Heilmann
Gideon Lyberth
Frederik Olsen
Jakob Olsen
Hans Frederik Olsen
Erik Jensen

Nalunaaqqarlutik peqataangitsut

Juliane Enoksen

**Imm. 01 Oqaluuserisassat akuersissutigineri
Aalajangiineq**

Imm. 3.1 Sisimiuni Utoqqaat angerlarsimaffiannut Qupanummut immikkut aningaasaliissuteqarnissaa pillugu qinnuteqaat

Journalnr. 06.02.01

Tunuliaqutaq

Utoqqaat angerlarsimaffiata 2020-mut ukiup affaanut naatsorsuutaanik misissuinermi ersarissumik takuneqarsinnaavoq, sulisunut 70-inut amerlassusiliinertut akuersissutaasoq missingersuutini eqqortumik, takuuk suliaqarfinnut assigiinngitsunut isumaqatigiissutit nalimmassakkat takussutissiisut, akissarsiaviit qaffasissusissaannik, ulloq unnuarlumut tapit aamma ulluinnarni nalliuttunut tapinik kiisalu annertuumik sulinngittarnermik sulisitsisup aningaasartuutaanik ersinngitsunik takussutissiinngitsut, 2020-mi akissarsiani 4 mio. koruunit missaani atuivallaarnermut pingaarnertut pissutaasut.

Utoqqaat angerlarsimaffiata missingersuutaanut ukiunullu missiliuuteqarfiusunut immikkut aningaasaliissutinik 3.280 t. koruuninik 2019-imi qinnuteqartoqarpoq. Aningaasat 2019-imut akissarsiani 1.1 mio. koruuninik ingerlatsinermilu 2,28 mio. koruuninik aningaasaliiffigineqarput. Ukiuni missiliuuteqarfiusuni katillugit ukiumut 1.438 t. koruunit aningasaliissutaapput, akissarsianut 869 t. koruuninik kiisalu utoqqaat angerlarsimaffianni innarluutilinnut marlunnut 67 ataallugit ukiulinnut akigititanut akiliutissatut isertitassatut missingersuutaasunik 569 t. koruuninik peersinikkut ataatsimoortinneqartut.

Aningaasat qinnuteqaataasut 2019-imili utoqqaat angerlarsimaffiani ingerlatsinermik oqimaqatigiissitsinissamut pisariaqartitat ataaniilereernikuvoq.

Utoqqaat angerlarsimaffianut 2020-mi missingersuutit annikinaagaasorujussuupput, ingammik akissarsiani missingersuutit sulisut amerlassusissaattut tunniunneqartumik aningaasartuutivinnut naapertuutinnngimmata.

Naatsorsuinerup ukiumut 2020-mut pingaarnertut immikkut aningaasaliisoqarnissaanik tullinnguuttutigut pisariaqartitsisoqartoq takutippaa:

- Akissarsiat: 4,9 mio. kr. – (taakkunannga 850 t. koruunit Namminersorlutik Oqartussanit utertitassanit aningaasalersorneqarlutik - PKU-mi aningaasalissutit isertitassatut aningaasaliissutit nutaatut ilanngunneqarnsikuusut) = 4.050 t kr..
- Ingerlatsineq: 973 t. koruunit isertitanik ingerlatsinermullu aningaasartuutinik imaqartut
- Isertitassatut aningaasaliissutit: 67 ataallugit ukiulinnut innarluutilinnut najugaqartunut akigititanut akiliutigitinniakkat 1,1 mio koruunit (isertitassatut aningaasaliissutigisat 1,1 mio. koruuniusut 2020-mi akuersissutigineqarput, kisianni utoqqaat angerlarsimaffianni akigititanut akiliutit ataanni isertitassatut aningaasaliissutittut allanneqanngisaannarlutik)
- = ilanngaattissat ilanngaatigereerlugit aningaasat qinnutigineqartut tassaapput: 3,9 mio. kr.

Ukiuni missiliuuteqarfiusuni annertoqatigingajaanik aningaasaliisoqarsinnaavoq, unali allannguutigalugu atuiffimmi 112030200 Utertassat ukiumi missiliuuteqarfimmit 2022-mi peerneqassasut, ilutigitillugulu akissarsianut aningaasaliissutit 122010200 annertoqatingajaanik appartinneqassasut. Allattugaanerusut ilanngussatut ilanngussami takuneqarsinnaapput.

Maleruagassatigut tunngavigisag

Qeqqata Kommuniani Karseqarnermut naatsorsuuserinermullu malittarisassani imm. 3.3-mi allassimavoq, kommunalbestyrelsi aningaasaliisussaataasooq.

Pissutsit atuuttut

Sisimiuni Utoqqaat angerlarsimaffiat Qupanuk najugaqartunut 42-nut inissaqarpoq, paaqqutarisarialinnut aamma puigortunngortunut immikkooortortamut kiisalu nutaartut pilersinneqartumut immikkooortumut illersugaasumik aamma qasuersaartarfimmumut ataatsimut agguataagalluni, sulisunullu 70-inut amerlassusilinnut akuerisaalluni.

Takuuk suliaqarfinnut assigiinngitsunut isumaqatigiissutit nalimmassakkanut takussutissiisut, akissarsiaviit qaffasissusissaannik, ulloq unnuarlumut tapit aamma ulluinnarni nalliuttunut tapinik kiisalu annertuumik sulinngittarnermik sulisitsisup aningaasartuutaanik ersinngitsunik takussutissiinngitsut, utoqqaat angerlarsimaffiata akissarsianut missingersuutaa nutartigaanngilaq.

Utoqqaat angerlarsimaffiat sulisunut 70-inut amerlassusilinnut akuerisaavoq, piffissami matumani 68-iunissaat pilersaarusiiorparput.

Atorfiit	Amerlassusiliineq	Inuttaqanngitsut	Atorfinnut paarlatsit allatulluunniit sulititat
Pisortaq	1,00		
Pisortamut tullersorti	1,00		
Allaffik	1,00		
Pedeli	1,00		
Biiliussisartaq	2,00		
Timigissaasoq	1,00	Ataaseq inuttaqanngilaq	
Peqqissaasoq	1,00		
Ornittakkami aqutsisoq	1,00		
Sammissaqartitsisut	2,00		
Immikkooortorta qarfimmi aqutsisut	2,00		
Sundhedsassistentit	8,00	Tallimat inuttaqanngillat	Peqqissaasut marluk (utaqqiisaasumik atorfinitsitat) Paarlattaasartut ilinniagaqanngitsut pingasut
Peqqissaanermik ikiorti	8,00	Arfinillit inuttaqanngillat	Isumaginninnermut ikiortit marluk Paarlattaasartut ilinniagaqanngitsut sisamat
Paaqqutarisarialinni sulisut	20,00		
Økonoma	1,00		
Inuussutissalerinermik assistentit	7,00	Pingasut inuttaqanngillat	Paarlattaasartut ilinniagaqanngitsut pingasut
Innarluutilinnut paaqqutarinniffik	6,00	Ataaseq inuttaqanngilaq	
Errorsisarfimmi aqutsisoq	1,00		

Errorsisarfik	2,00		
Asaasunut aqutsisoq	1,00		
Eqqiaasut	3,00		
Katillugit	70,00		

2020-mi januaarimit 2020-mi septembarip tungaanut qaammammusialinni sulinnigittarneq agguaqatigiisillugu sulisuni amerlassusiliinermut 6,7-tut annertussuseqarpoq, aammalu paarlattaasartut akissarsiaannut 1.278.360 koruunit missaattut annertutigiinnarpoq, ukiullu naanerani suli 426.120 koruuninik atuisoqaqqissasoq naatsorsuutigineqarpoq, ukiup naanerani katillugit 1,7 mio. koruunit missaani.

Sulinnigitoortarnerit soorlu makkuusut:

- Napparsimaneq, meeqqamik napparsimatitsineq, pingasut erninermut atatillugu sulinnigiffeqartut, feeria, taarsiullugu sulinnigiffeqarneq, ataaseq covid 19-imik angerlarsimaannartoq, peqquteqarluni sulinnigineq, peqquteqarani sulinnigineq.

Illumi qaffasissumik sulinnigittarneq qaanngiuttoornernut akissarsititsinernik atuinerni kinguneqarpoq. Utoqqaat angerlarsimaffiata sulisunik paarlakaattunik pingasunik atorunnaarsitsinikkut napparsimalluni sulinnigittarnerup appartinnissaa tamaviaarutigivaa, aammalu qaffasippaallaamik sulinnigittartunik sulisut ilaannik soraarsitsinikkut aamma kinguneqartitsinikuuvugut.

Sulisut ingerlanerat:

	Pedel	Inulerisut	Rengøring	Køkken	Vaskeri	Dagcenter	i alt
Sulilernikut/ansætte.14-lønnet.jan-sept.20	3	112	8	8	2	0	133
Asoornikut/Ophørt.14-lønnet.jan-sept.20	4	88	7	7	2	0	108
Sulilernikut/Ansætte.Måneds.jan-sept.20	0	4	0	3	0	1	8
Asoornikut/Ophørt.Måneds.jan-sept.20	0	5	0	4	0	0	9

Utoqqaat angerlarsimaffiat agguaqatigiisillugu aggeqquneqartartunik paarlatsinik 24-nik peqarpoq, aammalu paarlattaasartunik annertuumik ingerlasoqarpoq, paaqqutarinninnermik suliassanik nammineq sularinnilinniginnerminni, paarlatsitut sulilersut tamarmik paaqqutarinninnermi sulisut akornanni ulluni pingasuni ilinniartinneqartarput, nalinginnaasumik sulisut saniatigut immikkut sulisutut, tamannalu ukiumut immikkut amerlassusiliinerup 1,3 assigiinnarpaat, akissarsiani atuinermi 330,720 koruunit missaanut naapertuuttoq.

Katillugit qaammatini sisamani immikkut eqqiaanermi assistentit Covid-19 pinaveersaartitsinerat 84.000 koruunit missaani akeqarnikuuvuq.

Qeqqata Kommuniata atuiluutuunissaq pillugu pilersaarusiornermut periusissiaanut naapertuuttumik, ukiuq kingulleq utoqqaat angerlarsimaffiat (Naalakkersuisut ungasinnerusumut Ilinniartitaanermut pilersaarutaata ilagisaanut, Ilinniarsimanngitsunut Piginnaasatigut ineriartortitsinermut Suliniut) PKU-mut aningaasanik qinnuteqarlunilu aningaasaliiffigineqarpoq. Suliniut Inuusutissarsiornermut Naalakkersuisoqarfimmit aqunneqarpoq.) Ilinniarsimanngitsunut piginnaasatigut nalilersuinnermik Peqqissaanermut ikiortitut ilinniarnermut ukiumut ataasiusumut, aammalu Nuummi atuagarsornissanut tallimaasuniit siullermut 2020-mi februaarimi sulisut siulliit 14-it aallartinneqarput. Peqqissaanermut ikiortitut ilinniartut inaarutaasumik 2021-mi januaarimi misilitsissapput. PKU aningaasaliissutai ilinniartitsinermut, Nuummi atuagarsornermut atatillugu aningaasartuutitnut tamanut kiisalu Peqqissaanermut ikiortitut ilinniartut atuagarsorneranni

akissarsianut aningaasartuutitut matussusiiptut. Taamaakkaluartoq atuartut atuagarsorneranni paarlattaasusunut, kiisalu nalinginnasumiit sulisuni qaffasinnerusumik sulinnigitoqarnerani ukioq manna paarlatsinut nutaanut ulluni pingasuni ilinniartitsinertut ilinniarnep malitsigisaanik immikkut aningaasartuuteqartoqarpoq, qaanngiuttoormut akissarsitsinermik kinguneqartumik.

Takuuk sulisut amerlassusilerneqarnerat 15/4-20-mi peqqissutsimut suliallit aqutsisuanni atorfirmi peqqissaasumik Utoqqaat angerlarsimaffiat atorfinitsitsinikuvoq. Sulilersitsinissamik ajornakusoortitsineq pissutaalluni Atugarissaarnermut immikkoortotami pisortaanikuusumik Kirsten Bødker-imik isumaqatigiissuteqarnikkut utoqqaat angerlarsimaffiat pisortatut taaguuserlugu atorfirmik annertusaanissamut akuerineqarput, taassumalu akissarsiai ukiumut 122 t. koruunit missaanik qaffanneqarput. Tamatuma saniatigut utoqqaat angerlarsimaffiat paaqqutarisarialinni atorfinni piffissatut killiligaasuni peqqissaasunik marlunnik atorfinitsitsinikuvoq peqqissaanermi assistentini amigaateqarneq pissutigalugu. Utoqqaat angerlarsimaffiat peqqissaanermi assistentitut arfineq-pingasunut aamma peqqissaanermi ikiortitut arfineq-pingasunut amerlassusiligaavoq. Naak uteqqiasumik sulisussarsiortoqartaraluartoq, naammattumik sulisunik ilinniarsimasunik sulilersitsinissaq periarfissaqarsimanngilaq. Peqqissaanermut assistentitut sisamanut inuttassarsiuussinermi kingullermi, allagarsiuteqqitaasumi, utoqqaat angerlarsimaffiat peqqissaanermut assistentimik ataatsimik atorfinitsitsivoq, taamaalilluni paaqqutarisarialinni sulisut akornanni massakkut peqqissaanermi assistentit pingasut, peqqissaanermi ikiortit marluk aammalu peqqissaasut marluk atorfeqarlutik.

Naatsorsuutaasoq tassaavoq, peqqissaanermut ikiortitut ilinniartut inaarutaasumik misilitsinnermi angusissasut, aammalu 2021-mi januaarimit utoqqaat angerlarsimaffiat peqqissaanermi ikiortinik qulinik sinneqartunik peqalissasoq. Utoqqaat angerlarsimaffiani sulianut ilisimasallit amerlinerisa qulakkiissavaat, najugaqartut sapinngisamik pitsaanerpaamik paaqqutarineqarnissaat aammalu napparsimmavimmik sunniutilimmik suleqatiginneq. Peqqissutsimut ikiortit aamma paaqqutarinninnermi sulisup ilinniarsimanngitsup sivoqatigiimmik sulinikuusut akornanni akissarsianut assigiinnigissutaat qaammammut 2 t.koruunit missaani annertussuseqarpoq. Oqaatigineqassaaq, peqqissaanermut ikiortitut ilinniartut amerlanersaat ilinniarsimanngitsutut sivisuumi sulinikuunerat, taamaattumik akissarsiani minnerpaamik 250.000 koruunit missaani annertunerulissasut naatsorsuutaavoq.

Peqqissaanermut ilisimasalinnik sulisunik amigaateqarneq pissutaalluni, Utoqqaat angerlarsimaffiat Qupanuk ilaannikkooriarluni angerlarsimaffimmi nakkutilliinertut aaqqiissummik suliaqartariaqartarpoq, tassani ilinniarsimanngitsut sianernissamut periarfissaqartarlutik aammalu pisariaqarfiani suleqatit ilinniarsimasut ikiortit. Aaqqiissut taanna suleqatigisamik ilinniarsimasumik vagtiunermik attuumasumut toqqissisimanermik immikkoortitsinnaanngilaq. Aammattaaq aaqqiineruvoq akisooq, sulisut amerlassusisaattut akuerisaasup qaavatigut immikkut aningaasartuutitut kinguneqartarmat.

Utoqqaat angerlarsimaffiat najugaqartut sinniisaannik ingerlasunik sisamik peqarpoq aammalu qanigisaasunut suleqatigiissitaqarluni.

Utoqqaat angerlarsimaffianni qaammammusiiallit pingasut 2020-mi katillugit sapaatit akunnerini 34-ni erninnermut atatillugu sulinnigiffeqarnikuupput, tamannalu akissarsianut missingersuutit 200.000 koruuninik tamaviaartippaat.

Ingerlatsinermi aningaasartuutit ukiuni arlalinni missingersuutitut naapertuunnikuunngillat. 2020-mut missingersuutit ingammik eqqiluisaarnermut, peqqissaanermut atortunik aamma eqqiaanermut atortunik, aserfallatsaliinermut innaallagissamullu amigaateqarput. Ukioq manna iggavik nutaaq aamma iggavik qalakkasuartartoq aningaasaliiffigineqarlunilu ikkussuunneqarpoq - 2020-mi marsip aqqarnani Atugarissaanermut ataatsimiititaliap nalinginnaasumik ataatsimiinnerani akuerisaasumi 140 t. koruuninik immikkut aningaasaliiffigineqartoq, j.nr. 44.05. Illumi sanaaqaami qerititsivissuarmik sanasoqarpoq igalaanillu taarsersuisoqarluni, suliaq Teknikkeqarnermut immikkoortortamit 2020-mi ukiakkut aallartinneqartoq, nukissamik sipaaruteqarniarluni suliniutaasoq. Taamaattoqaraluartoq nukissamut missingersuutit appasinaagaapput, soorluttaaq paaqqutarinniffimmut massakkut missingersutaasut aningaasartuutivinnut matussusiinngitsut.

Atuilluartuunissakkut kingunerisinnaasai

Utoqqaat angerlarsimaffiata sulisunik ilinniartitsinissaq pingaartippaa. Paaqqutarinniffimi sulisut akornanni suliatigut ilisimasaqarnerup annertusinera qulakkeerpaa, najugaqartut sapinngisamik pitsaanerpaamik paaqqutarineqarnerat aammalu sulisuusut ataasiakkaat kivillugit, ataatsimut isigalugu aamma inuiaqatigiinni. Paaqqutarinniffimmi sulisut ilinniarluarsimaasuuneratigut pisariaqanngitsumik napparsimmavimmut unititsinissat pinaveersaartippaat, aammalu peqqissaanikkut ilisimasalittut passussinerit soorlu najugaqartup napparsimmavimmut nassiunnissaraluanut taarsiullugu utoqqaat angerlarsimaffiani kateterinik taarsersuinerit, ikinik passussinerit assigissaallu suliarinissaanut periarfissaqalerluni. Napparsimmavimmik suleqateqarneq annertusarneqarpoq, aammalu utoqqaat angerlarsimaffiani nakorsiarititsineq (sapaatip akunnera allortarlugu akunnerni marlunni) annertoorujusuarmik pitsanngorsarneqarpoq. Ilinniarsimasut amerlinerisa suliffeqarfik orniginarnerulersippaat aammalu ingerlaavartumik ilisimasanillu avitsiffiusumik pitsaasunik periuseqarnikkut najugaqartunut iluaqutaasumik sulisut paarlakaannerat annikillisarlugu.

Aningaasaqarnikkut allaffissornikkullu kingunerisinaasai

Aajuna Aningaasaqarnermut ataatsimiitsitaliap ataatsimiinnerani 15.12.2020 kissataa malillugu ukiuni missiliuuteqarfiusuni nuutsisoqarnissaa pillugu qinnuteqaataasumi isikkua ikkussaq:

Artskonti	Budget 2020	budget 2020		
	Budget 2020	Behov for tillægsbevilling	Omplaceringer B2020	Nyt budget 2020
551030202 SIS Plejehjemmet	23,181,000	3,928,884	-	27,109,884
112030200 Diverse refusioner		-850,000		-850,000
113030200 Refusion barselsdagpenge Selvstyre - kommuner		-35,394		-35,394
121020300 Andre lejeindtægter		-		-
121040100 Indtægter ved takstopkrævninger	-231,000		231,000	-
122010102 Månedsløn bagud	9,827,000	153,000		9,980,000
122010200 Timeløn	9,504,000	3,896,000		13,400,000
122010302 Merarbejde - månedsløn bagud	100,000	200,000		300,000
122010303 Merarbejde - timeløn	200,000	650,000		850,000
122050100 Annoncering - rekruttering		20,000	-	20,000
122050200 Bohaveflytning - rekruttering	125,000		-25,000	100,000
122060100 Kurser medarbejdere	105,000			105,000
122070100 Personaleleje	48,000		-	48,000
122070300 Tjenesterejser			75,000	75,000
122070600 Forplejning	10,000	-5,000		5,000
122080100 Hygiejneartikler		200,000	200,000	400,000
122080200 Rengøringsartikler	106,000	144,000	-	250,000
122080300 Sygeplejeartikler		250,000	-	250,000
122080400 Medicin	268,000		-253,000	15,000
122080600 Fødevarer	32,000		1,268,000	1,300,000
122080700 Grønlandsk proviant			200,000	200,000
122080800 Kontorartikler	17,000		3,000	20,000
122081000 Pædagogiske materialer			8,000	8,000
122081100 Hjælpepidler		5,927		5,927
122081200 Annoncer	20,000		-12,000	8,000
122081400 Abonnementer	10,000		10,000	20,000
122081500 Brændstof	22,000	-		22,000
122081600 Arbejdstøj medarbejdere	99,000	-		99,000
122081700 Inventar	430,000	-		430,000
122081900 Bygningsmaterialer		1,547		1,547
122082000 Merchandise / gaver			10,000	10,000
122082100 Øvrige materialer til opgaveløsningen	32,000		18,000	50,000
122090400 Rengøring	17,000	-		17,000
122090600 Flytteudgifter	8,000		-5,000	3,000
122090700 Porto og fragt			1,000	1,000
122120600 Telefonafgift	38,000		-8,000	30,000
122141200 Andre konsulenter	5,000	-		5,000
122150600 Takstbetalinger andre		-1,093,000	-231,000	-1,324,000
122160300 Fortæring, borger	1,569,000		-1,569,000	-
122170100 Materiel, udstyr og inventar	77,000	94,000	79,000	250,000
122170200 Bygninger		150,000	-	150,000
122180100 El	285,000	115,000		400,000
122180200 Vand	12,000	-		12,000
122180300 Varme	446,000	-		446,000
122190100 Skatter og afgifter		32,804		32,804
Hovedtotal	23,181,000	3,928,884	-	27,109,884

Kommunalbestyrelsep decembarip 21-ani 2020-imi immikkut ittunik ataatsiminnerna EX03/2020

Artskonti	Budget 2020	budget 2020		
	Budget 2020	Behov for tillægsbevilling	Omplaceringer B2020	Nyt budget 2020
551030202 SIS Plejehjemmet	23,181,000	3,928,884	-	27,109,884
112030200 Diverse refusioner		-850,000		-850,000
113030200 Refusion barseldagpenge Selvstyre - kommuner		-35,394		-35,394
121020300 Andre lejeindtægter		-		-
121040100 Indtægter ved takstopkrævninger	-231,000		231,000	-
122010102 Månedsløn bagud	9,827,000	153,000		9,980,000
122010200 Timeløn	9,504,000	3,896,000		13,400,000
122010302 Merarbejde - månedsløn bagud	100,000	200,000		300,000
122010303 Merarbejde - timeløn	200,000	650,000		850,000
122050100 Annoncering - rekruttering		20,000	-	20,000
122050200 Bohaveflytning - rekruttering	125,000		-25,000	100,000
122060100 Kurser medarbejdere	105,000			105,000
122070100 Personalepleje	48,000		-	48,000
122070300 Tjenesterejser			75,000	75,000
122070600 Forplejning	10,000	-5,000		5,000
122080100 Hygiejneartikler		200,000	200,000	400,000
122080200 Rengøringsartikler	106,000	144,000	-	250,000
122080300 Sygeplejeartikler		250,000	-	250,000
122080400 Medicin	268,000		-253,000	15,000
122080600 Fødevarer	32,000		1,268,000	1,300,000
122080700 Grønlandsk proviant			200,000	200,000
122080800 Kontorartikler	17,000		3,000	20,000
122081000 Pædagogiske materialer			8,000	8,000
122081100 Hjælpebidler		5,927		5,927
122081200 Annoncer	20,000		-12,000	8,000
122081400 Abonnementer	10,000		10,000	20,000
122081500 Brændstof	22,000	-		22,000
122081600 Arbejdstøj medarbejdere	99,000	-		99,000
122081700 Inventar	430,000	-		430,000
122081900 Bygningmateriale		1,547		1,547
122082000 Merchandise / gaver			10,000	10,000
122082100 Øvrige materialer til opgaveløsningen	32,000		18,000	50,000
122090400 Rengøring	17,000	-		17,000
122090600 Flytteudgifter	8,000		-5,000	3,000
122090700 Porto og fragt			1,000	1,000
122120600 Telefonafgift	38,000		-8,000	30,000
122141200 Andre konsulenter	5,000	-		5,000
122150600 Takstbetalinger andre		-1,093,000	-231,000	-1,324,000
122160300 Fortæring, borger	1,569,000		-1,569,000	-
122170100 Materiel, udstyr og inventar	77,000	94,000	79,000	250,000
122170200 Bygninger		150,000	-	150,000
122180100 El	285,000	115,000		400,000
122180200 Vand	12,000	-		12,000
122180300 Varme	446,000	-		446,000
122190100 Skatter og afgifter		32,804		32,804
Hovedtotal	23,181,000	3,928,884	-	27,109,884

Allaffeqarfiup naliliinera

Atugarissaarnermut immikkoortortaqarfiup nalilerpaa, suleqataasunik 14-inik ilinniartitsilluni nassiussinermik siunertaq sulisunut aamma najugaqartunut minnerunngitsumillu suliffeqarfimmu pitsaalluinnartuusoq. Utoqqarnik paaqqutarinninnermik paarsisarnerlu pillugit ilisimaasat annertusissapput, najugaqartunut iluaqutaasumik. Siumut sammisumik suliffeqarfiup naatsorsuutigisinnnaavaa, sulisuusut peqqinnermut suliaqarluni paaqqutarinninnermik suliaqarsinnaanerulernissaat aammalu sulisut nammineernerulernissaat.

Utoqqaat angerlarsimaffianut Qupanummut pingaaruteqarpoq, najugaqartut sulisunut toqqissisimanarnerulernissaat, aammalu tamanna sulisuusut ilisimasani pissarsiassanillu kajumissaaqqinneratigut pisinnaavoq.

Allaffeqarfiup innersuussutaa

Atugarissaarnermut immikkoortortap Atugarissaarnermut ataatsimiititaliamut innersuussutigaa:

1. Katillugit 3,9 mio. koruuninik immikkut aningaasaliissuteqartoqarnissaa kiisalu 2020-mut missingersuutini kiisalu ukiuni missiliuuteqarfiusuni nuutsisoqarnissaa pillugu qinnuteqaat akuersissutigineqassasoq, aamma
2. Aningaasaqarnermut Ataatsimiititaliamut Kommunalbestyrelsimullu qinnuteqaat akuersissutigineqarnissaa innersuussutigineqassasoq

Atugarissaarnermut Ataatsimiititaliap suliamik suliarinninnera

Ataatsimiititaliap 8. december 2020 ataatsimiinnerani innersuussut akuersissutigineqarpoq. Suliaq Aningaasaqarnermut ataatsimiititaliamut Kommunalbestyrelsemullu akuersissutigisussanngorlugu ingerlateqqinneqassaaq.

Allaffeqarfiup naliliinera

Atugarissaarnermut immikkoortortaqarfiup nalilerpaa, suleqataasunik 14-inik ilinniartitsilluni nassiussinermik siunertaq sulisunut aamma najugaqartunut minnerunngitsumillu suliffeqarfimmut pitsaalluinnartuusoq. Utoqqarnik paaqqutarinninnermik paarsisarnerlu pillugit ilisimaasat annertusissapput, najugaqartunut iluaqutaasumik. Siumut sammisumik suliffeqarfiup naatsorsuutigisinnaavaa, sulisuusut peqqinnermut suliaqarluni paaqqutarinninnermik suliaqarsinnaanerulernissaat aammalu sulisut nammieernerulernissaat.

Utoqqaat angerlarsimaffianut Qupanummut pingaaruteqarpoq, najugaqartut sulisunut toqqissisimanarnerulernissaat, aammalu tamanna sulisuusut ilisimasani pissarsiassanillu kajumissaaqqinneratigut pisinnaavoq.

Innersuussut

Atugarissaarnermut ataatsimiititaliap Aningaasaqarnermut ataatsimiititaliamut innersuussutigaa:

1. Katillugit 3,9 mio. koruuninik immikkut aningaasaliissuteqartoqarnissaa kiisalu 2020-mut missingersuutini kiisalu ukiuni missiliuuteqarfiusuni nuutsisoqarnissaa pillugu qinnuteqaat akuersissutigineqassasoq, aamma
2. Kommunalbestyrelsimullu qinnuteqaat akuersissutigineqarnissaa innersuussutigineqassasoq

Aningaasaqarnermut Ataatsimiititaliap suliamik suliarinninnera

Aningaasaqarnermut Ataatsimiititaliap innersuussusaasut akuerivaat ataatsimiinnermini 15.12.2020-imi, kissaatigaalli ukiuni missiliuuteqarfiusuni nuutsisoqarnissaa pillugu qinnuteqaat isersissasoq saqqummiussassami, suliamut naggataasumik akuerineqarnissaanut suliasamat Kommunalbestyrelse-imi ataatsimiinnermi 21.12.2020.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

.katillugit 3,9 mio. koruuninik immikkut aningaasaliissuteqartoqarnissaa kiisalu 2020-mut missingersuutini kiisalu ukiuni missiliuuteqarfiusuni nuutsisoqarnissaa pillugu qinnuteqaat akuersissutigineqassasoq

Aalajangiineq

Ilanngussat

1. Qupanummi 2020-mut aningaasaliissutitut missingersuutit

Imm. 3.2 2021-mut ukiunullu 2022-mit 2024 tikillugu missiliuteqarfiusunut KB-mut ataatsimiititalianullu akissarsiat akuersissutigineqarneri

Journalnr. 06.01.01

Tunuliaqutaq

2020-mi novembarip 26-ni Kommunalbestyrelsi (KB) ataatsimiinnermini, 2021-mut missingersuutit ukiunullu 2022-mit 2023 tikillugu missiliuteqarfiusunut missingersuutit akuersissutigivai.

2021-mut missingersuutinik aappassaaneerinninnermi, Kommunalbestyrelsimut ataatsimiititalianullu akissarsiassat 2021-mut Missingersuutinut ilanngunneqarsimangillat, taamaattumillu immikkut akuersissutigineqarnissaanik pisariaqartitsisoqarluni.

Maleruagassatut tunngavissat.

Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuseriveqarnerallu pillugit Namminersorlutik Oqartussat nalunaarutaat nr. 3, 26. juli 2012-imeersoq Qeqqata Kommunianut karseqarnermut naatsorsuserinermullu najoqqutassiaq.

Pissutsit atuuttut

Tamanna 2021-mut 56.418,43 koruuninik annertunerusumik aningaasartuutaassaaq.

Atuilluartuunissakkut kingunerisinnaasai.

2021-mut missingersuutissat, ukiunullu 2022-mit 2024 tikillugu missiliuteqarfiusussat, isertitat, aningaasartuutit kiisalu aningaasaatit uninngasuutit akornanni aningaasaqarnikkut oqimaaqatigiipput.

Allaffeqarfiup naliliinera

Allaffeqarfiup immikkut maluginiaqqussavaa, 2020-mut missingersuutini ukiunullu 2021-mit 2023 tikillugu missiliuteqarfiusuni isertitat, aningaasartuutit kiisalu aningaasaatit uninngasuutit akornanni oqimaaqatigiittoqartoq.

Allattoqarfiup inassuteqaataa.

Missingersuutissatut siunnersuutigineqartut aallaavigalugit allaffeqarfiup innersuussutigaa, kommunalbestyrelsimit akuereqqullugu aningaasaqarnermut ataatsimiititaliap borgmesterip aalajangiineratigut innersuussutigissagaa,

-ilanngussaq naapertorlugu Kommunalbestyrelsip, nunaqarfinnilu aqutsisut akissarsiassaat akuersissutigineqassasut

Borgmesterip aalajangiinera

Aningaasaqarnermut ataatsimiititaliaq sinnerlugu 17. december 2020 borgmesteri aalajangiivoq,

-innersuussutigineqartoq akuersissutigalugu

Aningaasaqarnermut ataatsimiititaliaq tullissaanik ataatsimiinnerani aalajangiineq pillugu paasissutissinneqassaaq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-ilanngussaq naapertorlugu Kommunalbestyrelsip, nunaqarfinnilu aqutsisut akissarsiassaat akuersissutigineqassasut

Aalajangiineq

Ilanngussat

1. Akissarsiat aalajangiiffigineqarneri

Imm. 4.1 Nunaqarfinni aqutsisut aaqqissuussaaneri aammalu ilaasortat amerlassusii

Journalnr. 01.10.00

Tunuliaqutaq

Nunamut Namminermt, Pinngortitamut Avatangiisinullu Naalakkersuisoqarfiup KANUKOKA-llu atorfilittaasa ulloq oktobarip tallimaani 2012-mi ataatsimeeqatigiinneranni nunaqarfinni aqutsisut sorliit ataatsimoorussamik aqutsisuussanersut aqutsisullu amerlassusissaat kommunalbestyrelsip ukioq qinersiffiusoq sioqqullugu ukiup naanginnerani aalajangiiffigeriissagaa, kommuninut eqqaasitsissutigineqarnissaat eqqartorneqarsimavoq.

Qeqqata Kommuniani nunaqarfinni aqutsisut allakkatigut decembarip 11-iani 2020-mi tusarniaaffigineqaqqipput.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22. 18. November 201-meersup § 51. Imm. 1 naapertorlugu: ". ... *kommunalbestyrelsip aalajangersassavaa nunaqarfiit sorliit ataatsimoorussassaminnik aqutsisoqartinneqassanersut, aammalu pingasunik tallimanilluunniit ilaasortaqassanersut. Aalajangerneq pissaaq ukioq nunaqarfinni aqutsisunik ataatsimoorussamik qinersiviususaaq sioqqullugu, ukiup naannginnerani.*"

Pissutsit atuuttut

Maannakkut Qeqqata Kommuniani Nunaqarfinni aqutsisut aaqqissugaanerit aammalu ilaasortat amerlassusii ima isikkoqarput:

- Itilleq Sarfannguillu ataatsimoortumik aqutsisoqalissasut tallimanik ilaasortalik
- Atammik Napasorlu ataatsimoortumik aqutsisoqalissasut tallimanik ilaasortalik
- Kangaamiut allanik kattuteqateqanngilaq nunaqarfimmilu aqutsisunut ilaasortat pingasut
- Kangerlussuaq allanik kattuteqateqanngilaq, nunaqarfimmilu aqutsisunut ilaasortat pingasut

Nunaqarfinni aqutsisut tusarniarneqarput aqutsisut aaqqissuussaanerat aammalu amerlassusaa pillugit imatullu akissuteqarput:

Kangerlussuaq

Kangerlussuarmi Nunaqarfimmi aqutsisut tamarmiullutik ullumikkutut pingasunik ilaasortaqarnera, taamaaginnarnissaa ajorinngilaat.

Itilleq / Sarfannguit

Nunaqarfiit immikkut qinigaatitaqarnissaat tamarmiusunit kissaatigineqarluni immikkut qinigaatitaqarnissaq.

Kangaamiut

Nunaqarfimmi aqutsisut tamarmiusut aalajangiuppaat Kangaamiut allanik kattuteqqassanngitsoq, ilaasortallu pingasuussasut.

Atammik/Napasog

Nunaqarfimmi aqutsisut ataatsimiikkamik 16.12.2020 aalajangerpaat Atammik Napasullu ataatsimoorussamik aqutsisoqarnerat tallimanik inuttalik ingerlaannassasoq.

Atuilluartuunerup kingunerisinnaasai

Nunaqarfinni ataatsimoorussamik marlunnik aqutsisoqarnermi, atuilluartuunissamat siunissaqarluarnerani ilaatigut nunaqarfiit marluusuni ataqatiissaartumik ingerlatinermi aammalu assigiissarnermi periuseqarluarsinnaammat.

Aningaasaqarnikkut allaffissornikkullu kingunerisinnaasai

Aqutsisut amerlassusii aammalu ilaasortaasa amerlassusii allannguuteqanngimmata arlaatigut kinguneqartussaannqilaq.

Allaffeqarfiup naliliinera

Qeqqata Kommuniani nunaqarfimmi aqutsisut qinigaaffimmi kingullermili (2017-minngaaniik) misilittagaqarfigillualereerpaat ilaasa ataatsimoorussamik aqutsisuuneq marlullu inuttoqqussusertik aallaavigalugu kisimiillutik aqutsisuunneq. Misilittakkatik aallaavigalugit aqutsisut akissutaat innersuussutigalugit allaffeqarfiup innersuussutigissavaa akuereqqullugit.

Innersuussut

Allaffeqarfiup kommunalbestyrelsimut akuereqqullugit innersuussutigissavai:

1. Itilleq Sarfanguillu massakkt aqqissuussaanagerat ingerlaannassasoq tallimanillu ilaasoqarluni.
2. Atammik Napasullu massakkt aqqissuussaanagerat ingerlaannassasoq tallimanillu ilaasoqarluni.
3. Kangaamiuni massakkt aqqissuussaanagerat ingerlaannassasoq pingasunik ilaasoqarluni.
4. Kangerlussuaq massakkt aqqissuussaanagerat ingerlaannassasoq pingasunik ilaasoqarluni.

Aalajangiineq

Ilanngussaq

1. Itilleq/Sarfanguanilu aqutsisut akissutaat 14. december 2020-imeersut
2. Atammik/Napasumilu aqutsisut akissutaat 16. december 2020-imeersut
3. Kangerlussuarmi aqutsisut akissutaat 14. december 2020-imeersut
4. Kangaamiuni aqutsisut akissutaat 11. december 2020-imeersut

Imm. 6.1 Qeqqata Kommuniani Atugarissaarnermi Immikkoortorta qarfimmi kommunimi akigititassat 2021

Journalnr. 06.01.01

Tunuliaqutaq

Qeqqata Kommuniani Atugarissaarnermut Immikkoortorta qarfik Atugarissaarnermut ataatsimiititaliamut eqqartugassanngorlugit akuerisassanngorlugillu ukiut tamaasa isumaginnermut tunngasuni akigititanut siunnersuutinik saqqummiisartussaavoq.

Tamatuma kingorna suliamik saqqummiussaq inaarutaasumik akuerisassanngorlugu Aningaasaqarnermut ataatsimiititaliamut Kommunalbestyrelsimullu ingerlaqqittussaavoq.

Maleruagassatigut tunngavigisaaq

Utoqqarnik paaqqinniffiit pillugit Inatsisartut peqqussutaat nr. 11 30. oktober 1998-imeersumi § 5. § 5. Kommunini utoqqarnik paaqqinniffinni inissat pisariaqartinneqartut amerlassusillit pigineqarnissaat kommunalbestyrelsip qulakkiissavaa.

Imm. 3 Utoqqarnik paaqqinniffiit sammisassaqartitsinermillu neqeroorutit kommunimit pilersinneqarlutillu ingerlanneqassapput.

Qeqqata Kommunianut karseqarnermut naatsorsuutinullu malittarisassani immikkoortoq 3-mi imm. 2.3-mi allassimavoq, kommunalbetyrelsi aningaasaliisartuusoq.

Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq § 31. § 31. Matumani peqqussut malillugu aningaasartuutit kommunalbestyrelsimit akilerneqartassapput.

Pissutsit atuuttut

Sisimiuni, Maniitsumi utoqqaat angerlarsimaffiini aamma utoqqaat illuat Kangaamiuni aningaasartuutit aamma najugaqartut amerlassusaat naapertorlugit 2021-mut akigititanut akiliutissanut siunnersuutit suliarineqarput, unalu siunnersuut Sisimiuni Maniitsumilu utoqqaat angerlarsimaffiini ilanngullugu utoqqaat illuat Kangaamiuni ulloq unnuarlu najugaqarnermut atuuppoq.

Taakku saniatigut pisortanit ikiorsiissutini ikiorsiisarnermi akigitinneqartut allannguuteqannginnissaat pillugu siunnersuusiortoqarpoq.

Siunnersuutit 2019-imi naatsorsuutini kiisalu 2019-imi utoqqaat angerlarsimaffiini najugaqartut amerlassusaat naapertorlugu aallaaveqartumik suliarineqarput.

Utoqqaat angerlarsimaffiini aammalu utoqqaat illuani najugaqartussatut innersuunneqartartut saniatigut utoqqaat angerlarsimaffiini aammalu utoqqaat illuani immikkut ittumik najugaqartussatut innersuussat, inatsit atuuttoq malillugu najugaqarnermut akiliuteqartoqartassapput. Najugaqartut tjenestemanditut pensionisiaqartut pineqarput.

Nerisassanik pajuttuineq:

Utoqqarnut angerlarsimaffiminni najugaqartunut nerisassanik pajuttarnermut siunnersuutigineqarpoq, nerisassanut ataatsinut aki 30,00 koruuniuginnassasoq.

Ornittakkamik atuisunut nerisaqarnermut akiliutit:

Ornittakkamik atuisunut siusinnerusuklut nerisaqartitsisoqartarnikuunngilaq.

Ilaqutariinnermut immikkoortortap nerisassanut kissartunut akissaa 30,00 koruuniussasoq innersuussutigivaa, taanna malitsigisaanik utoqqalinersiaannit ilanngaatigineqarsinnaavoq.

Qasuersaartunut nerisaqartitsinermi aki:

Najugaqartunut qasuersaartinneqartunut siusinnerusukkut nerisaqartitsisoqartarnikuunngilaq. Najugaqartut taakku qasuersaartinneqarnerminni tamakkiisumik pensionisiaqartarmata siunnersuutigineqarpoq, ulloq unnuarlu 75,00 koruuninik ulluni taakkunani nerisaqarnermi akiliuteqartassasut, taanna malitsigisaanik utoqqalinersiaannit ilanngaatigineqarsinnaavoq.

Pisortanit ikiorsiissutini akigitat:

Qeqqata Kommuniani pisortat ikiorsiissutaanni ikiorsiisarnermi akit allanngortinneqassanngitsut Atugarissaarnermut immikkoortortap siunnersuutigivaa, takuuk takussutissiaq ataaniittoq.

Siusinaartumik pensionisialinnut utoqqalinersialinnullu aningaasat atorneqarsinnaasut: Atugarissaarnermut immikkoortortap siunnersuutigivaa, siusinaartumik pensionisialinnut utoqqalinersialinnullu aningaasat atugassarititaasut 2020-imitut annertussuseqarlutik kisimiittumut 5.000 koruuniussasut aappariinnullu 8.000 koruuniussasut.

Aningaasaqarnikkut allaffissornikkullu kingunerisinaasai

Aningaasat innersuussutigineqartut pillugit takussutissiaq:

	Aningaasat innersuussutaasut
Qeqqata Kommuniani utoqqaat angerlarsimaffiini najugaqarnermut kommunip ataatsimoorussamik akigititaanik naatsorsuinermi: 50.602.734,78 : 31.557 = 1.603,53	1.603,53
Nerisassanik ataatsinik pajutsinneq	30,00
Ornittakkamik atuisunut kissartunik nerisitsinermut nerisassanut akiliutissaq	30,00
Qasuersaartitsinermi ulloq unnuarlu nerisassanut akiliutissaq	75,00
Siusinaartumik pensionisialinnut utoqqalinersialinnullu kisimiittunut aningaasat qaammammut atorneqarsinnaasut	5.000,00
Siusinaartumik pensionisialinnut utoqqalinersialinnullu aappariinnut aningaasat qaammammut atorneqarsinnaasut	8.000,00

Pisortanit ikiorsiissutini akigititanut allannguisoqassanngitsaq Atugarissaarnermut immikkoortortap innersuussutigivaa:

Ikorsiinermi akigitat	Qaammammut	Ullunut 14-inut	Sapaatip akunneranut
Kisimiittoq namminerisaminik inilik	1.680,00	776,00	388,00
Aappariit namminerisaminnik inillit	2.836,00	1.310,00	655,00
Kisimiittoq inisimasoq	1.420,00	656,00	328,00
Aappariit inisimasut	2.836,00	1.310,00	655,00
Pilersuisussaataitaasumut meeqqamut ataatsimut tapeq	1.000,00	462,00	231,00
Inuussutissat, inersimasumut ullormut	Aningaasanngorlugit akigitat affaat		
Inuussutissat, meeqqamut ullormut	Meeqqanut tapit affaat		

Utoqqarnut Siunnersuisooqatigiit

Qeqqata Kommuniani atugarissaarnermut tunngasuni ukioq 2021-mi Kommunip akigititaanut siunnersuutit utoqqarnut tunngassuteqartut siunnersuutigineqarneri. Tassani annerusumik maluginiagassaavoq, utoqqaat angerlarsimaffiini najugaqarnermut ataatsimoorussamik akigitat naatsorsornerini, ukiup siuliani annikitsumik appariaateqarsimasut, aammalu siunnersuutigineqarsimalluni; kissartunik nerisitsineri, qasuersaartitsineri ulloq unnuarlu nerisassanut kiisalu aningaasat qaammammut atorneqarsinnaasut akiligassat peereernerini killiussat allangortinniarnegannigisut.

Ilaasortat tamarmik isummersoreernerimikkut akigitinniakkanut killiliussat isumaqatigalugit akuersaarpaat. Taamaasilluni tusarniutigineqartut utoqqarnut tunngassuteqartut ilalerlugit taparserneqarput.

Allaffeqarfiup naliliinera

Atugarissaarnermut immikkoortortaqaarfiup nalilerpaa, akigititassat innersuussat 2021-mi ukiumi missingersuusiorfiusumi atuutissasut.

Innersuussut:

Atugarissaarnermut immikkoortortaqaarfiup Atugarissaarnermut ataatsimiititaliap siulittaasup tullianut innersuussutigaa,

- Qeqqata Kommuniani utoqqaat angerlarsimaffiini najugaqarnermut kommunip ataatsimoorussamik 2021-mut akigititanut akiliutissanut siunnersuutaa 1.603,53 koruuniusoq akuersissutigineqassasoq
- utoqqalinersialinnut nerisassanik pajunnermi akigitinneqartoq 30,00 koruunimiiginnassasoq
- ornittakkamik atuisunut kissartunik nerineri nerineri akiliut 30,00 koruuniussasoq
- qasuersaartineqartunut ulloq unnuarlu nerineri akiliut 75,00 koruuniussasoq
- siusinaartumik pensionisialinnut utoqqalinersialinnullu kisimiittunut aningaasat qaammammut atugassat 5.000,00 koruuniuginnassasut
- siusinaartumik pensionisialinnut utoqqalinersialinnullu aappariinnut aningaasat qaammammut atugassat 8.000,00 koruuniuginnassasut
- Pisortanit ikiorsiisarnermi akigitinneqartut allangortinneqassanngisut
- Suliaq Borgmester-imut Kommunalbestyrelsimullu akuersissutigisassanngorlugu saqqummiunneqassasoq

Siulittaasup tullia aalajangiinera

Ataatsimiititaliaq sinnerlugu siulittaasup tullia 26. november 2020 aalajangiivoq, innersuussutigineqartut akuersissutigalugit.

Aalajangiineq pillugu Atugarissaarnermut Ataatsimiititaliaq tullissaanik ataatsimiileruni ilisimatinneqassaaq,

Borgmesterip aalajangiinera

Aningaasaqarnermut ataatsimiititaliaq Kommunalbestyrelsilu sinnerlugit 2. december 2020 borgmesteri aalajangiivoq,

-innersuussutigineqartut akuersissutigalugit.

Aningaasaqarnermut ataatsimiititaliaq Kommunalbestyrelsilu tullissaanik ataatsimiinneranni aalajangiineq pillugu paasissutissinneqassaaq.

Innersuussut

Aningaasaqarnermut ataatsimiititaliamut paasissutissiissutigineqarpoq.

Aningaasaqarnermut ataatsimiititaliap suliamik suliarinninnera

Ataatsimiititaliap 15. december 2020 ataatsimiinnerani aasissutissiissut tusaatissatut tiguneqarpoq.

Innersuussut

Kommunalbestyrelsimut paasissutissiissutigineqarpoq.

Aalajangiineq

Ilanngussaq

Utoqqaat angerlarsimaffiini aammalu utoqqaat illuani najugaqarnermut akigititap naatsorsornera

Imm. 8.1 Tamalaat